

## Transkription von Urkunde HGW 1503a

Ort, Datierung: Greifswald, 1503-08-29

Signatur: Stadtarchiv Hansestadt Greifswald, Rep. 2 Nr. 262 [\[online\]](#)

Inhalt: Kirchenvorstand der Kirche Mistorf: Pachtbeleg

Vor allen Cristi louighen mÿnschen de dessen Breff zoen efte horen lesen Bekennen wij Otto  
wotzenisse to Teskolbe Kersten passolbe to mistorp hinrick vnd woencke Brodere ghenomet / va(m)m  
haghene to Bukow wanastich lant zathen vnde Inwanre des kerspels Brotenmistorp(e) Camyns  
stichtesz vnde hinrick pansz to Kempelÿn hanz kanzer to Nyendorp(e) / Tewes steÿn to Teskow vnde  
hinrick wildegosz to Surkow wanastich vorstendere efte vor wesere der vorscreu(en)e kercken  
mistorp(e) ziner houet zu(m)me(n) vn(de) Jarliken re(n)te / pachte vnde boringhen dat wij mit vÿllen  
wol bezy(n)ne deme rade vnde vulbordt alle der Jenne(n) deme dit nedderscreue(n) mach tokame(n)  
efte anroren Besunder(e)n / myt vnsez leuen kerkhere(n) von Sabel Snoteck rade hete vnde vulborde  
hebben vorkoft vorlaten vn(de) ieghenwardich in craft vn(de) macht dessesz breuesz vorkope(n) vn(de)  
/ vorlaten to enem(e) ewighen kope tobeholdende vnde tobesittende Deme grodtwerdighen heren  
vn(de) meister Reymer hanen kerkheren der kerken Stralessundt / Zwerinsz stichtes de pacht vn(de)  
iarlike boringhe de vnse kerke grote(n) mistorp(e) plach to hebbende et(cetera) makinghe dessesz  
breuesz an eyner houen an eynem(e) dorpe / ghenomet Tremete belegghen in deme kerkspele to  
Bristowe in deme lande to barthe vnde Nu tor tijde alse datu(m) neddenscreue(n) der vorscreue(n)  
houen pacht man / ghenome)t henncke vurknecht vnde desuluen pachte vorbenome)t vnseme  
erscreuen kerspele mistorp(e) er(er)malsz hebben v(m)me gadesz ere vn(de) willen ghegheue(n) de  
Erbar(en) Du=/chtighe(n) ma(n)nen vn(de) frauen prester(e) he(n)nigh(en) vn(de) Reymer brodere  
g(e)no(me)t Bÿc guder dechnisse de myt guden apenbare(n) scriften helen breuen vn(de)  
Ingheseghele(n) vnser Jr=/screue(n) kerken mistorp(e) ersten vnd gantz to ludende ewighen to  
besittende vnd tobeholdende vnd desz breuesz ludt myt alle zinem(e) inholde va(n) worde to worde in  
latin=/scher sprake ghescreue(n) zo hir navolghet [Om(n)ibusz existi fidelibusz... octauo]

Welkeren vorseghelden breff wij vorben(omenden) / lantsathe(n) vn(de) vorstendere der velescreue(n)  
kerke(n) mistorp(e) vor vnsez vn(de) vnse nakomelinghe hebben vor antwardet vn(de) ghedan Deme  
vorscreue(n) bru(der) Reymer hanen / ewighe(n) to hebbende tobesittende vnd brukende ghelik wo  
vnse vorfarde vn(de) wij der vnser kerken to Nutticheit rouwesam bet tosuszlanghe hebben ghehatt  
vn(de) bruket / vnde vor sodane vorbenomde Jareslike pacht heft vnsez de baue(n) scre(ue)n br(oder)e  
Reymar hane in reden pe(n)nighe(n) ouertellet in ganckbarer mu(n)te eynen tzu(m)me(n)  
pe(n)ni(n)ghe / den wij in vnsez gadesz husesz nÿtticheit vn(de) beste ghekert hebbe(n) vn(de) von  
vorbenomede(n) lantzate(n) vn(de) vorscreue(n) vorstendere desz erscreue(n) gadesz husesz mistorp(e)  
vm(me) vnse / Nakomelinghe willen deme vorscreu(en) Reymer hanen der vorscreue(n) pacht eyne  
were wesen vor alle de racht neme(n) vn(de) gheue(n) willen vn(de) ene fryen va(n) aller an=/sprake  
geystlik vn(de) werlik vn(de) wise(n) densulue(n) bru(der) Reymer hanen dorch vn(de) vor middelst  
vnsez gadesz husesz vorseghelde houet breff an de vorscreue(ne) pacht ghelik / ofte dat scheghe efte  
schen were vorgherichte vor schulten vn(de) buren Also dat de Erscre(ue)n B(ruder) Reymer hane  
mach mit der vorbenomde(n) houe vn(de) mit ere(n) pachte(n) / de dar van kame(n) vn(de) kame(n)de  
werden do(n) vn(de) laten vn(de) desuluen bruken in aller mathe vn(de) wise wo em beleuet in eynem

ewighe(n) kop tobeholdenden besittende / vn(de) to brukende To groterem louen vn(de) merer  
bekantnisse hebben wij baue(n) screue(ne) Otto wotzenisse kersten passow hinrick vn(de) werncke vam  
haghene lantsate(n) / eyn islik zin eghene Jngheseghel henghet nedden an dessen breff Screue(n) na  
der bordt Cristi vnsesz here(n) vefteynhundert vn(de) dridden Jare am daghe Joh(ann)isz baptisten  
ziner enthouedinghe